



SAKSPAPIR

Saksnr	Utval	Type	Dato
06/2021	Valstyret	PS	13.04.2021

Sakshandsamar	Arkiv	ArkivsakID
Lin Tove Thomassen	FE-011	20/1107

GJENNOMFØRING AV STORTINGS- OG SAMETINGSVALET

Kommunedirektøren sitt framlegg til vedtak:

1. Utleggingsmanntalet vert lagt ut til offentleg ettersyn ved innbyggjarservice og hovudbiblioteket så snart det let seg gjere etter 30. juni 21 og fram til og med valdagen
2. Frist for partia som stiller liste ved valet til å bestille manntal vert sett til 1. juni.
3. Frist for ambulerande stemmegjeving vert sett til fredag 10. september.
4. Oppteljingsmåte i Vaksdal kommune vert lokalt fordelt på krets

Valstyret - Sak 06/2021

VAL - Behandling:

Boris Groth, Frp stilte spørsmål knytt til frist for ambulerande stemmegjeving og evt mottak mot av stemmer lørdag og søndag før valdagen.

Politsk sekretær Lin Tove Thomassen orienterte om mellombels lov ved 2021 valet og tilrettelegging for mottak av ambulerande ved lokalt smitteutbrot, med frist for å søke på valdagen kl. 10.00.

Kommunedirektøren sitt framlegg til vedtak vart samrøystes vedteke.

VAL - Tilråding/Vedtak:

- Utleggingsmanntalet vert lagt ut til offentleg ettersyn ved Innbyggjarservice og hovudbiblioteket så snart det let seg gjere etter 30. juni 21 og fram til og med valdagen
- Frist for partia som stiller liste ved valet til å bestille manntal vert sett til 1. juni.
- Frist for ambulerande stemmegjeving vert sett til fredag 10. september.
- Oppteljingsmåte i Vaksdal kommune vert lokalt fordelt på krets

Saksopplysningar:

Valstyret er ansvarleg for valgjennomføringa i Vaksdal kommune og må mellom anna gjere vedtak om fristar og korleis stemmesetlane skal teljast.

Manntal til offentleg ettersyn

Opplysningar frå folkeregisteret pr 30. juni i valåret vert lagt til grunn for manntalet. Bustadadressa på denne datoen avgjer kva kommune du har stemmerett i. Melder du flytting etter denne dato, har du stemmerett i kommunen du flyttar frå.

Etter valova § 2-6 (1) skal valstyret leggja manntalet ut til offentleg ettersyn så snart det let seg gjera. Vallova seier ikkje noko om kor manntalet skal leggjast ut. Det blir sendt ut valkort til alle røysteføre, ein ser difor ikkje behov for å leggja manntalet ut på fleire stader enn på innbyggjarservice og hovudbiblioteket på Dale. Manntallet skal ligge ute til og med valdagen.

Valstyret skal kunngjere tid og stad for utlegginga og opplyse om høvet til og framgangsmåten for å krevje feil retta, jf. vallova § 2-6.

Valforskrifta § 3 fastset at alle som stiller liste ved valet, har rett til eitt gratis eksemplar av manntalet. Det er likevel eit krav at dei bestiller dette innan fristen som valstyret set. Kommunedirektøren tilrår at fristen vert sett til 1. juni.

Ambulerande stemmegjeving

Veljarar som på grunn av sjukdom eller uførleik ikkje kan røyste på valdagen eller der det blir halde førehandsrøysting, kan etter søknad til valstyret, førehandsrøyste der dei oppheld seg (ambulerande røysting). Søknadsprossene er enkel og veljarar som ønskjer det, kan be om å få stemme heime utan å grunngje. Søknadsfristen for å søkje om ambulerande røysting skal setjast til eit tidspunkt innanfor perioden mellom tysdag og fredag siste veka før valet, vl § 8-3 (6). Eit av KMD sine lovforslag er å utvide perioden for ambulerande stemming fram til kl. 10 på valdagen. Dette vil då gjelde for personar i isolasjon. Det vil derfor vere fornuftig å legge frist for ambulerande røysting til fredag før valet.

Oppteljingsmåte

Prinsipp for oppteljing av røystesetlar er heimla i vallova § 10-4. I punkt (5) går det fram at røystesetlane skal teljast opp i to omganger, ein førebels og ein endeleg oppteljing. Den førebelse oppteljinga skal skje ved manuell teljing, jfr. valforskrifta § 37a.

Det kan veljast mellom 3 ulike oppteljingsmåtar:

1. Sentralt - samla: Førebels oppteljing vert gjort hos valstyret sentralt i kommunen. Alle krinsar vert slått saman og talt samla
2. Sentralt - fordelt på krets: Førebels oppteljing vert gjort hos valstyret sentralt i kommunen, men kvar krins vert talt separat
3. Lokalt - fordelt på krets: Førebels oppteljing vert gjort av røystestyra i kvar krins (i

vallokala).

Vaksdal kommune har nytta oppteljingsmåten lokalt fordelt på krets sidan folkerøystinga i 2009, og har gode erfaringar med dette. Alle røystekrinsane skal føreta ei teljing av innhaldet i urnene (urnetelling) i vallokalet, uavhengig av kva oppteljingsmåte kommunen vil nytta. Dersom ein samtidig sorterer røystesetlane på parti, har ein gjort ferdig den førebelse oppteljinga i vallokalet.

Den førebelse oppteljinga er ei forenkla oppteljing der berre kurante røystesetlar vert talde. Alle røystesetlar det er tvil om kan godkjennast, skal leggjast til side, og vurderast og ev. godkjennast av valstyret ved den endelege teljinga.

Endelig oppteljing skjer alltid hos valstyret og under valstyret sitt tilsyn.

Informasjonstiltak i samband med valgjennomføringa

Vallova legg føringar for eit minimum av kva kommunen skal informere veljarane om. Dette er:

- Tid og stad for utlegging av manntal og framgangsmåte for å krevje feil retta (§2-6)
- Søknadsfrist for å kunna stemme heime (§8-3 sjetste ledd)
- Tid og stad for førehandsstemmegjeving (valforskrift §24)
- Tid og stad for stemmegjeving på valting (§9-3 tredje ledd)

Tid og stad for stemmegjeving vert lagt fram for valstyret i eigne saker.

I tillegg er det viktig å informere om valordninga generelt og evt tiltak som vert gjort i samband med Covid 19-pandemien.

Valdirektoratet har også eit informasjonsansvar og vil informere om tidlegstemming frå 1. juli, oppstart av ordinær forhåndsstemming 10. august og reglar for stemmegjeving på valdagen, i tillegg til andre informasjonstiltak.

Informasjonskanalar som vert nytta i Vaksdal kommune er:

- Kommunen si nettside
- Facebookside
- Informasjonstavler på innbyggjarservice og institusjonar
- VaksdalPosten
- Heimetenesta.
- Sms varsel.

Valkort

Innbyggjarar som er manntalsførte som busett i kommunen, vil få tilsendt eit valkort med informasjon om kva kommune ein er manntalsført i, og kor ein kan stemme på valdagen. Her kan kommunen i tillegg legge inn ein kort tekst med lokal informasjon. I år kjem valkortet digitalt. Veljarar som har reservert seg eller ikkje nyttar digital postkasse, vil få valkortet tilsendt på papir.

Innbyggarspørsmål

Innbyggjarservice skal kunna svare på henvendingar knytt til valkort, manntal, korleis ein stemmer, kvar ein kan stemme, ambulerande stemmegjeving m.m.

Publiseringsplan under valgjennomføringa

Dato	Publisering	
Etter 30.06	Manntal til offentleg ettersyn	Kommunen si nettside, Facebook, Vaksdalposten
Innan 01.07	Informasjon om tidlegstemming	Valdirektoratet
	Kvar og korleis ein stemmer	Lokalt på kommunen si nettside, Facebook, informasjonstavler
Innan 10. 08	Utsending av valkort	Valdirektoratet
Innan 10. 08	Informasjon om ordinær forhåndstemmeperiode	Valdirektoratet
Innan 10.09	Informasjon om ambulerande stemmegjeving - frist	Informasjonsskriv til utdeling i heimetenesta og til oppslag, Kommunen si nettside, Facebook, Vaksdalposten
Innan 10.08	Tid og stad i Vaksdal	Kommunen si nettside, Facebook, Vaksdalposten, informasjonstavler
Innan 13.09	Reglar for stemmegjeving, oppmoding om å nytta stemmerett	Valdirektoratet
Innan 13.09	Informasjon om stemmegjeving på valting, tid og stad	Kommunen si nettside, Facebook, Vaksdalposten

Beredskapsplan

Nasjonal mynde har bede dei einskilde kommunane om å legge beredskapsplanar for korleis ein kan tilrettelegge slik at flest mogleg kan få avgitt sin stemme på ein trygg måte, også dersom valgjennomføringa 2021 skal skje i ein periode med lokal eller nasjonal oppblussing av Covid 19.

Kommunal og moderniseringsdepartementet har foreslått lovendingar som opnar for at veljarar i karantene eller isolasjon skal kunna få avgje sin stemme etter gjeldande smittevernreglar. Det vert ikkje opna opp for at veljarar skal kunne stemme via internett eller via brevstemme innanriks. Stemmegjevinga skal gå føre seg ved det vert tilrettelagd for at valfunksjonærar tek imot stemmer,

t.d. via mobile stemmemottak.

Det er også utarbeida ein smittevernrettleiars for valgjennomføringa. Denne ligg vedlagd saka. Oppsummert frå rettleiaren er at:

- Valet kan gjennomførast
- Ingen sjuke kan vere i vallokale, men det skal leggast til rette for at alle får stemt
- Kontaktreduserande tiltak i alle ledd for å sørge for avstand
- Kommunen må syte for godt reinhald og god hygiene.

Undervegs i valarbeidet vert det utarbeida ein risiko- og sårbarheitsanalyse for valgjennomføringa. Denne vert tilgjengeleg i neste møte for valstyret.